

քանչիւր դուրս, այլ զի ամենայն ոք պարտապան է նոցա: 39 Զարկ իսկ է զի մի՛ կարգ աշխարհի, ասէ, եղծցի. այլ արժան է զի ամենեքեան առ հասարակ ողորմածութեամբ եւ երկիւղիւ տարեալ նոցա զդարմանսն, եւ զպիտոյս նոցա վճարեսցեն:

40 Շինեաց սոյնպէս, կարգեաց կազմեաց եւ հաստատեաց, բազում եւ այլ ողորմութիւնս¹ ուսուցանէր աշխարհի. բազում կարգս կանոնաց հայրենիս կարգեր: 41 Եւ առ յոյսն յարութեան ցուցանէր ունել ակնկալութիւն. եւ զի մի՛ զմահ մարդկանն առանց դարձի միւսանգամ կենդանանալոյ համարիցին, եւ անյուսութեամբ ի վերայ գնացելոցն աւճիրս գործիցեն լալեացն կոծոյն, զանառակութիւնս աշխարհ² ղնելոյ. այլ յուսով Տեառն գալստեանն ակն ունել եւ յարութեանն նորոգութեան, եւ իւրաքանչիւր գործոցն զյաւիտենական զհատուցումն առնուլ իւրաքանչիւր յոյս ունելով՝ աւուր գալստեանն Տեառն սպասել: 42 Եւ զի լինիցին յամուսնութեան արինաւորք³, մի՛ ստել եւ մի՛ դաւ բերել իւրեանց ամուսնութիւնընգալ կողմանց. եւ փախչել աւելի ի մերձաւոր եւ յազգին տոհմակից խառնակութեան ամուսնութենէն, եւ մանաւանդ ի մերձաւորական ի նուոց⁴, եւ որ գամ մի այսմ նման լեալ էր ինչ: 43 Եւ կանոն՝ հրաժարել ամենեւին ի մեռելոտոյ եւ յարենէ ուտելոյ, եւ ի դաշտանիկն մերձենալոյ. զայդ ամենայն պիղծ համարէր առաջի Տեառն:

44 Եւ զնենգութիւնսն եւ զքսութիւնսն եւ զազահութիւնս եւ զչարակնութիւնս, զցանկութիւնս եւ զգրկութիւնս, զարուագիտութիւնս եւ զիգութիւնս եւ զբամբասութիւնս⁵, եւ զանառակ արբեցութիւնս եւ զորկորստութիւնս եւ զյաւիշտակութիւնս եւ զպոռնկութիւնս եւ զվրեժս ի թշնամեաց եւ զստութիւնս եւ զթշնամութիւնս եւ զանողորմածութիւնս եւ զսուտերդմութիւնս, եւ զարինհեղութեան սպանութիւնս եւ զանասնագիտութեան պղծութիւնս, որ ոչ ակն ունէին յարութեան եւ որ անյուսութեամբն⁶ լան զմեռեալս, ընդ մի արինակ զամենեսեան ի միում խորիսորատ կորստեանն համարէր: 45 Եւ ամենայն աշխարհին պատուիրէր, եւ զլիսովին թագաւորին, առ հասարակ ամենայն մեծամեծացն, եւ ամենեցուն՝ որ ոք ի վերայ ընկերին ունիցին իշխանութիւն, գուր ունելով ընդ իւրեանց ծառայս եւ ընդ կրսերս եւ ընդ աշակերտս, եւ սիրել իբրեւ զընտանիս, եւ մի՛ անարժանս եւ աւելի տարապայմանս հարկաւք նեղել քան զչափն. յուշ առնելով, զի եւ նոցա տէր գոյ յեր-

1 Օրինակ մի՛ ողորմածութիւն

2 Օրին. մի՛ աշխարհի. այլ՝ աշխարհ

3 Օրինակ մի՛ ամուսնութիւնք օրինաւորք

4 Օրինակ մի՛ ի նուոց

5 Օրինակ մի՛ բամբասութիւնս

6 Օրինակ մի՛ անյուսաբարն